

www.BibleForChildren.org

Matthew 8



Dua e lua laangi gai ne hai dahi daonga hagahai bodu i Cana o Galilee, gai tinana o Iesu i kilaa hogi. Gai Iesu ma ana dangada agoago ne saalaa hogi i taonga hagahai bodu laa.



Gai ga odi huu uvaini i taonga, gai tinana o Iesu ga hai ange gi de ia, “Gu odi alaadeu uvaini.” Gai dono dinana ne hai ange gi de gau hai hegau, “Goodou haia gi bei mee alodahi aana e tala adu gi goodou.”



lesu ne hai ange gi de gau hai hegau,
“Haoa gi hoohonu denga ssaa naa i vai.”
Gai gilaadeu ga hhao gu hoohonu denga
ssaa laa. Gai lesu ga hai ange gi gilaadeu,
“Asua hanu gaavee gi tagi o taonga.” Gai
de gau hai hegau ne asu hanu
ga kave gi tagi
o taonga.



De masavaa a tagi o taonga ne mamia ange ai vai gu
sui laa ma gu ni uvaini, gai ia tee iloo be go hee ne
loomai ai uvaini laa, gai de
gau hai hegau ne asua
mai vai laa e iloo.



Gai ia ga hagahi taane ne hagahai bodu laa, ga hai ange gi de ia, “Dangada alodahi e gaavange uvaini danuaa hugadoo gi dangada i mua, gai de masavaa naa huu o dangada gu ssenga ai, gai gilaadeu ga dugu mai uvaini dai dee danuaa laa.

Aagai koe ne dugu uvaini danuaa hugadoo gi de hagaodi!”



Gai mee a Iesu ne hai laa i Cana i Galilee, go tahi
hagailonga aana ne hai e hagaago
mai ai dono mahamaha.


Gai ana dangada agoago
gu hagadonusia e
gilaadeu ia.



lesu ne hano hogi gi de hale o Peter,
gai ia gu gidee ssaulaba o Peter gu
magi ma gu vvela de angaanga.



Gai ia ga poo ange dono lima; gai dono angaanga gu
dee vvela. Aagai de hine laa ga hidi age ga hai ange
hanu gai e gaimee ai gilaadeu.



De ahiahi laa, gai dangada ne gaamai gi lesu denga
hagadaagangaa magi alodahi ma dangada iai denga
hagasaalunga baubau.

Gai dangada alodahi i
de aduhale laa gu
hagabuni mai gi luu
baasi de haitoga o
hale laa.



Gai lesu ga hagaiiangi denga magi alodahi ma de hai gi hulo denga hagasaalunga baubau. Aagai ia tee dugu ange denga hagasaalunga baubau gi pasa, go hiidinga gilaadeu e iloo be go ia goai.




Gai dangada alodahi ne hagatale de poo ange gi de ia,
go hiidinga ssauaa gu sao mai i ono daha ma gu
hagaieiangi dangada alodahi.



Gai e dogohaa daane ne loomai ga saabai mai dahi daane balagelage gi ono daha.




Gai ga dee maua huu e gilaadeu i de
hulo gi paa ange gi lesu i hiidinga de
soa dangada, gai gilaadeu ga langa
tua de hale i hongaga de mommee
oona iai laa, ga hagasege
iho taane balagelage
laa i hongaga dono
moenga.




Gai ga gidee huu e lesu dagodo o olaadeu kai, gai ia ga hai ange gi taane balagelage laa, “Dagu dama, gu maatala oo haisala.” “Au e hai adu gi de goe, hidi age, sabaia doo moenga hannoo gi doo hale!”



Gai lesu ne gage gi lo te boose, gai ana dangada
agoago ne hulo hogi madali ia. Gai
tilo, gu ssau mai de madangi
mmahi gi hongga de vai laa,
gai delaadeu boose gu
dai abulu. Aagai lesu
e seni.



lesu ne hai ange gi gilaadeu, “Gu aha gu maatagu ai naa goodou? Oodou kai e vaaligiligi mmao!” Aagai ia ga hagasee de madangi ma de vai, gai gu malino ange hogi. Gai ana dangada agoago gu llele mouli ga hagataba, “Se dangada bee hee deenei? De madangi ma de vai ne hagallongo ange gi de ia!”



Gai de Maadua ne aloha mmao i henua
i lalo, deelaai ai aana ne gaamai ai laa
dana Dama Daane dagidahi, gai be
goai e hagadonusia gai ia e dee magau
donu, aagai e maua de mouli
e dee ngado mai.



40



60



Romans 3:23

go hiidinga dangada alodahi gu haisala gai gu dee maua i
de kave de mahamaha o de Maadua,

Romans 6:23

Gai de hagaoanga o de haisala go de magau, gai de mee
ngadi gaavange a de Maadua go de mouli e dee ngado
mai i lodo o Klisdo Iesu taadeu Dagi Maolunga.

Hebrews 9:27

Bei de hai gu hagamodu ange ai laa bolo dangada e
maakau i e dahi donu huu hanonga, gai dua naa huu mee
nei go de hagamodu muna,



Ephesians 2:8,9

Go hiidinga o dono abodonu oodou ne hagamouli i de gai. Gai e dee go hiidinga o oodou hegau, aagai se mee ngadi gaamai nii de Maadua, e dee go hiidinga o oodou hegau, gi deai ai se dangada e maua i de tala tuhi donu huu ia.

Romans 10:9,10

Go hiidinga noo koe e tala i doo ngudu bolo Iesu go Tagi Maolunga ma de hagadonusia i oo lodo bolo de Maadua gu hagamouli age ia i de magau, gai koe e hagamouli. I hiidinga tangada e hagadonusia i ono lodo e hai hogi ga heohi, gai tangada e daalaa hagadonu mee nei i dono ngudu e hagamouli.



John 3:16,17

“Gai de Maadua ne aloha mmao i henua i lalo, deela ai aana ne gaamai ai laa dana Dama Daane dagidahi, gai be goai e hagadonusia gai ia e dee magau donu, aagai e maua de mouli e dee ngado mai. Gai de Maadua tee gaamai dana Dama Daane gi henua i lalo e hagaduasala ai henua i lalo, aagai ne gaamai e hagaola ai henua i lalo i ono daha.

1 John 5:11-13

Gai aanei muna o de tala hagadonu: de Maadua gu gaamai gi gidaadeu de mouli e dee ngado mai, gai de mouli nei e dagodo i daho dana Dama. Be goai e noho Tama i ono daha e maua de mouli; aagai be goai e dee noho Tama Daane a de Maadua i ono daha e dee dagodo de mouli i ono daha. Au e sisi adu mee nei gi goodou gu hagadonusia de ingoo o Tama Daane a de Maadua, gi iloo ai e goodou bolo goodou gu maua donu de mouli e dee ngado mai.



Matthew 8-9; Mark 1-2, 4; Luke 4, 8; John 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Nukuoro Bible (nkr) © 2022, Wycliffe Bible Translators, Inc.
All rights reserved.

<https://www.bible.com/en-GB/bible/3595/MAT.1>

©2026 Bible for Children, Inc.

www.M1914.org

www.bibleforchildren.org

